

## C A P U T VIII.

### *De hydropo.*

Pag. 76. l. 17. *Sedes Leucophlegmatiae.*] Haec Leucophlegmatiae species plerumque tamdiu sanationem obtinet, quamdiu sana sint viscera, & formam naturalem retineant vasa: Si vero adeo distendantur, ut inde formetur Saccus, aut vix aut nullo modo sanari potest, nisi facto emissario educatur humor.

Oritur autem hic morbus ab omni causa, quae seri aquosi redditum in venas impedit. Hanc autem sententiam ultra dubium ponere videtur experimentum Lowerianum. Compressis enim partis alicujus venis, ea pars dimidiata horat hydropica.

Se innotescit autem Leucophlegmatia, seu *aīa oīgna* tumore partium, maxime inferiorum, albo, levi, splendente, ex compressione fo- veam relinquente, & hoc præcipue vesperi, propter situm corporis die à nocte diversum; in illo enim, omni momento descendunt humores, in hac autem, per superiora vasa iterum disperguntur, unde primo mane prorsus evanuisse videntur hujusmodi tumores, qui rursum vesperi reversuri sunt.

Ad sunt etiam plerumque sitis, spirandi difficultas & anhelatio ad motum, urina rubra,

*crassa, & copia diminuta, perspiratio naturali minor, sudor nullus praecipue partium inferiorum.*

Pag. 76. l. 22. *Tympanites non est unius generis.]* Tumor, qui abdominis regionem occupans, sonitum ex percussione dare dicitur, tympanites nuncupatur, interea tamen confitendum puto, hanc rem meas aures semper fellisse. Hic morbus vix & ne vix quidem per se existit, & fere semper cum ascite conjunctus invenitur.

Pag. 77. l. 18. *Haec non in cavo ventre, sed in ipsis intestinis.]* Datur & tumor uteri ab eadem causa in ejus cavitate inclusa, at aliquando ob fallacia graviditatis signa, non parva medicis occurrit difficultas in distinguendis hujusmodi tumoribus. Uteri autem graviditas ab ejusdem tumoribus, seu de vapore, seu de aquâ ortis, gradu quodam dignoscuntur mulieris cacochymiâ praegressâ, aetate foeminae, menstruis tarde & irregulariter diu ante fluentibus. Sed nihilo feciis, semper vel caute & lente procedendum est, vel prorsus procrastinanda est sanatio, donec certiores fiamus de gravitate, quae medicis non raro fallaciam impo-  
suit.

Pag. ead. l. 21. *Capacitate.]* De hac re simul consuli velim doctissimi Halleri opuscul. Pathol. observat. xxvi.

Pag.

Pag. 78. l. 4. *Colluvies aquosa in ampio imi-  
ventris spatio.*] Hic morbus tactu & levi per-  
cutione, admotis scilicet lateri opposito digi-  
torum apicibus, & sensu aquae fluctuantis di-  
gnoscitur, modo aqua libere fluat in abdomen;  
si vero in tunicis aut vesiculis includatur, tali  
modo distingui nequeat. *Cujus generis est ova-  
riorum hydrops.* Hoc tamen boni ex hac distin-  
ctione habeatur, quod inde cognosci possit,  
quid secundum, quid aduersum morbi levamen  
faciat paracentesis.

Pag. ead. l. 9. *Disruptorum canalium quibus  
lympna circumfertur.*] Ut Anasarca indies in-  
crescens canaliculorum rupturam, qui Lym-  
pham ferunt, non raro efficit, & tandem in  
Ascitem desinit; simili prorsus ratione, humo-  
res extravasati & abdomen conclusi, mole &  
acrimonia sensim increscunt, & sanguifera vas-  
a demum ita ultra modum opprimunt & rodunt,  
ut haemorrhagias pessimi ominis huic causae so-  
lummodo adscribendas, ex diversis partibus,  
praesertim autem e naribus sponte ruere, ne-  
mo sit, qui ignoret.

Pag. ead. l. 14. *Qui in foeminis oyorum con-  
ceptacula occupat.*] Hydrops ovariorum di-  
gnosci potest ab ascite & tympanitide, duritie  
& inaequalitate tumoris inferiorem abdominis  
regionem occupantis, quippe in aliis tumor  
aequalis est.

Pag. 78. l. 15. *Mox inflammantur & corrum-puntur.*] Non his solum, sed aliis etiam hydropicis non raro accidit inflammatio. Etenim ex generali habitus laxitate, vasa ferosa robore & resiliendi vi magna ex parte orbantur, unde sanguis rarescere incipit, & aqua versum premendo facillime in hujusmodi debilia vasa intrare, maculasque purpureas efficere solet, quae in morbis chronicis fere semper malum portendunt; utpote habitus corporis laxi simul & inflammati indicia evadunt certissima.

Pag. 79. l. 23. *Alias etiam corporis sedes inundat.*] Nemo in morbo languido moritur, quin secta cadavera, cerebrum, pericardium, peritonaeum, abdomen, aut viscera nonnulla & vasa adiposa, &c. aquâ redundare monstrant; si vero aliquis, telo vel vulnere nuper adacto perierit, iis partibus aqua non apprehenditur. Quae res, ut mihi videtur hanc suspicionem importat, in hujusmodi morbis mendidis non prorsus inutilem, nempe quod vires exhalantes vix ac ne vix quidem in culpa vocandae sint, vires vero absorbentes more gravi & prorsus periculoso deficere, & saepissime, solent.

Pag. ead. l. 25. *Testiculi lympha nimia.*] In iure venerea adest aliquando tumor similis ad scrotum, nec non & ad vasa seminalia prope annulum, hic tamen tumor inaequalis est. In Hydrocele vero tumor durus & aequalis est,

nul-

nullusque adest tumor aut durities apud vasa seminalia.

Pag. 80. l. 13. *Incisio Tibiae parte interiore.* ]

Non raro id auxiliū in hac parte magnum remedium est, licet aliquid incerti semper secum ferat, videlicet, ne sequatur Gangraena; cui praecavendae Fotus discutientes, & Remedia digestiva calida imprimis valent.

Idecirco hujusmodi Plagae partibus tumentibus non infligendae, nisi praesens sit expertus Chirurgus; manu vero prudenti factae & curatae, non solum in Leucophlegmatia, sed ubi una cum Anasarca jungatur Ascites, juvant maxime.

Vesicatoria ad eundem finem profecisse notum est, at meo judicio plaga, aut scarificationes crurum inferiorum tutiores videntur, eo quod inflammationem aut nullam, aut levem & tractabilem excitant.

Pag. 82. l. 23. *Qui autem ex aura.* ] Tumor ventris tympanites dictus ex hac cauia proveniens, aliquando sine ulla ambagibus catharticis aut vesicatoriis, facilime punctura abdominis instrumento idoneo facta levatur.

Pag. ead. l. 28. *At corporis exercitatio non negligi debet.* ] Prosunt in omnibus hydropis speciebus valida exercitatio, si vero his utiqueat aeger, pannis vapore accensi Thuris, Succini, Mastiches, Benzoini, &c. calidissime

redditis ter quaterve quotidie corpus fortiter fricare convenit. Valde enim prodest hujusmodi fricatio, si diebus a purgatione cathartica liberis & aëre calido instituatur.

Pag. 83. l. 10. *Ubi enim fractae sunt vires.*] Ad hujus morbi durationem omnino respiciendum est, quippe in Hydrope recenti, plerumque conducunt acria, quae stimulant, aromaticæ, quae vires vitales intendunt, & ista mendendi ratio, quae, ex medicamentorum alcalinorum ordine & usu, auxilium petit, nisi clare appareat contrarium.

In morbo autem diurno plus proficiunt acida, tunc enim ex humorum stagnantium putredine pulsus fit frequens, licet in morbi accessu tardus fuisset.

Effectus hujus Putredinis non raro Haemorrhagiam inducit, cuius vi saepe extinguntur Hydropici. Quo enim diutius durat morbus, eo aqua magis putreficit, & acrior evadit.

Hinc oriuntur multiplex Gangraena, nec non & Haemorrhagia narium; ex his vero postrema vix unquam prius locum habet quam Abdomen aqua plenissimum sursum premitur, & acer Sanguis rodit & rumpit Vasa.

Hoc in loco aliam subjungere cautionem, quasi ex eodem fonte derivatam, non alienum erit; scilicet, Tumores Crurum morbos longos comitantes, aegrosque in nil miserantis Orci fauces deducere proclives (ut Phthisicus, Icte-

Ictericis, &c. frequenter accidit) nunquam curandos esse more Hydropis veri, quin more morbi primigenii.

His forsan lenis Alvi Purgatio iis temporibus utilis foret, quibus scilicet ob humores turgescentes, simulque ad nimiam plenitudinem crescentes, plurimum augeatur Dyspnoea, aliudve ejusmodi symptoma.

Crurum autem tumores oedematosi à laxitate fibrarum & Lymphae lentore orti, ab Emetico leni, quod semel in hebdomada exhiberi debet, multum juvantur, datis in intervallis iis remediis, quae compagem laxam intendere valent, quippe horum ope sursum revelluntur humores, & circuitui generali simul celerius remittuntur.

Sedulo autem curandum est, ne multum urgeat Dyspnoea, aliudve symptoma simile. Ideoque si aliquid horum timeatur, die proximo à vomitu liquanda est alvus, caeterisque diebus incidentia & roborantia remedia exhibenda sunt.

Hujusmodi tumores Virginibus cacheeticis, & Menstruis inordinatis laborantibus non raro accident, nunc hecīca nunc lenta humorum Cacochymia comitati, & sanantur medicamentis ferrugineis, & leniter expurgantibus, ratione habita ad pravam corporis constitutio- nem.

Pag. 87. l. 10. *Ab omni potu per longum tem- pus.] Procul a nobis absit omnis alienae sen-*

I 5 ten-

rentiae suspicio, utpote meo consilio nunquam aliud hydropici aegri auribus adeo strenuo inculcari curarem, quam quod obstinate à potu se cohibere manente curatione necesse sit. Interea mihi annotare liceat, quod in ascite ex vasis lymphaticis ruptis solummodo ortā, sine cachexia notabili, non aequa a liquidis prohibendi sunt aegri, ac in anaearca. Ex fere enim defectu siccatur sanguis, satiusque est paracentesim citius repeti, quam sanguinem nimis excidari, unde putris corruptio & cita mors.

Pag. 87. l. 11. *Cum sitis plerumque vehementer premit.*] Sitis ingens in hoc morbo malis admodum est ominis, quippe tam sanguinem circulantem aquosā parte privatum, quam humorum stagnantium putredinem denotat; nec unquam sanatur aeger, dum hoc symptoma mineat.

Pag. 94. l. 17. *Valentissimis catharticis usus brevi post exhaustis viribus consumptus est.*] Adeo noxia est in hydropicis intempestiva per alvum purgatio, ut in fine hujus morbi diarrhoea spontanea summopere suspicanda sit, quippe ut plurimum putredinem humorum colliquefactam ponit, de qua brevi moriuntur aegroti.

C A-